



Жалағаш жаршысы



«zhalagash-zharshysy.kz»
ақпараттық агенттігі

Аудандық қоғамдық-саяси газет

Газет 1934 жылдың 10 қаңтарынан бастап шығады

Аймақ жаңалықтары

Су шаруашылығының жағдайы пысықталды

Облыс әкімі Нұрлыбек Нәлібаев су шаруашылығының жағдайын және су тасқынының алдын алу жұмыстарын тексерді. Мемлекет басшысының Жолдауында ирригация жүйелері, жалпы су шаруашылығы мәселесімен мұқият айналысу, көктемгі қарғын суды жинап, оны диқандардың қажетіне жарату мақсатында гидрология бекеттерін жөндеп, жаңғырту тапсырылғаны белгілі. Бұл бағытта облыста бірқатар жұмыс атқарылған.



Атап айтқанда, Үкімет қаулысымен бекітілген «Қазақстан Республикасының су саласын дамытудың 2024-2028 жылдарға арналған кешенді жоспарына» Қызылорда облысын суармалы сумен қамтамасыз етуге бағытталған 112 жоба енгізілді. Олар аймақтың әлеуметтік-экономикалық жағдайының жақсаруына оң әсерін тигізеді. Кешенді жоспарға енгізілген жобалар ішіндегі «Қараөзек» су қоймасын салуды Ислам Даму Банкі есебінен қаржыландыру үшін Су ресурстары және ирригация министрлігімен бірлескен жұмыс жүргізілуде. Бұл 31 мың гектар суармалы, 120 мың гектар шабындық пен жайылымдық жерді және вегетациялық кезеңде Арал теңізін суландыруға мүмкіндік береді.

«Келінтөбе» магистралды арнасына су беретін арна» жобасын жүзеге асыруға 2024 жылға республикалық және облыстық бюджеттен қаржы бөлініп, 6,1 шақырым айналма арна қазылды. Сағасына гидротехникалық құрылыс салу қажеттілігі туындауына байланысты жоба-сметалық құжаты әзірленіп, мемлекеттік сараптамадан өткізу үшін өтінім ұсынылды. Жоба іске асқанда Жаңақорған ауданының 30 мың гектар егістік жерін вегетациялық кезеңде суландыруға мүмкіндік береді.

Су үнемдейтін технологияны енгізуді 2028 жылға дейін 24,2 мың гектарға жеткізу (2024 ж. - 4,4 мың гектар, 2025 ж. - 9,2 мың гектар, 2026 ж. - 14,2 мың гектар, 2027 ж. - 19,2 мың гектар, 2028 ж. - 24,2 мың гектар) көзделген. Өткен жылы су үнемдеу технологияларын пайдалану көлемі 4,4 мың гектарға жеткізіліп, 2023 жылмен салыстырғанда 3,5 мың гектарға артты.

Күріш шаруашылығында су үнемдеудің бірден-бір жолы – егістікті лазерлік тегістеу. Былтыр күріш егістігінің 55 мың гектарына лазерлік тегістеу жүргізілсе, алдағы 5 жылда 72 мың гектарға жеткізу жоспарлануда.

Сонымен қатар өткен жылы «Арна» мекемесінің теңгеріміндегі 107 су нысанына, 1 қорғаныс бөгеті және 69 арна бойындағы гидротехникалық құрылыстарға ағымдағы ұстап тұру жұмыстары жүргізілді. Биыл 5 арнаны тазалау жоспарланған.

«Көлтоған» су қоймасының апаттық жағдайының уақытша алдын алу және «Ақүйек» ауылдық округі тұрғындарын аяқсумен қамтамасыз ету үшін «Арна» мекемесі арқылы су беретін арнаны тазалау, бөгетін кетеру, су тоспаларын жөндеу, қойманың бөгетін уақытша қалпына келтіру жұмыстары атқарылды.

Ерлан СОЗАҚБАЕВ

Бағдарлама игілігі



Кәсіпкер келіншек

Гүлнұр Төрханованың кәсіпкерлік саласына қадам басқанына көп болмаған. Аз ғана уақытта тұрақты тұтынушылар жиып үлгерген оның ісінен ептілік, қызметіне адалдықты аңғару қиын емес. Екеуара диалог барысында оның ойынан, мақсатынан адалдықты, еңбексүйгіштікті ұқтық. Қысқасы, оның өмірінде жалқаулыққа жол жоқ. Бойына жиган осындай жақсы қасиеттерінің арқасында ол бүгінде ауылда кәсібін дөңгелентіп отыр.

Мақпалкөлдiк келiншектің кәсіпкері де өз алдына бөлек өңгіме. Ауыл мен аудан орталығын жалғайтын қоғамдық келікте отырып «жұрт сырттан ауылға қандай өнімдер әкеледі?» деген сауалдың түйінін тарқатады. Соның ішінен өзі өндіре алатын өнімдерді халыққа арзан бағада ұсынуды көздейді.

Бұрыннан аспаз ісіне машық кейіпкеріміз бастапқыда қарапайым тоқ пешпен құс етінен қақтама дайындауды қолға алады. Иә, ол кәсіпке келе сала тұтынушы іздеген жоқ, керісінше әлі күнге дейін оның дәмді тағамдарын тұтынушылары таласып алуда.

Не керек, кәсіпкер келіншектің құс етінен дайындаған өнімдері аз уақытта ауыл халқының көңілінен шығады. Ақыр соңында жалғыз пешпен ауылдағы ағайынның сұранысын орындау қиынға соғады. Мұндайда қазақ «көрпене қарай кесіл» дейді. Гүлнұр де тапсырыс санына шектеу енгізеді.

Оның дәмді өнімдері көршілес ауылдарға да жетті. Мәдениет, Жанаталап, Аққыр ауылдарынан сұраныстың көптеп түсуі Гүлнұрдың кәсіпке деген қызығушылығын еселеді. Алайда айта беретін қаражат мәселесі қолбайлау болып отыр. Не керек, жергілікті әкімдіктің сүйемелдеуімен қайтарымсыз грантқа құжат тапсырады. Тиісті қаражатқа асханасын жарақатп, жергілікті жұртқа өз өнімдерін ұсынбақ.

«Құдай да қимылдағанға береді» деген, абырой болғанда көпбалалы ананың бұл жобасын комиссия мүшелері бірауыздан қолдапты. Нәтижесінде кейіпкеріміз 1 млн 476 мың теңге қайтарымсыз грантқа ие болды. Гүлнұр бұл қаржыны шашпай-төкпей кәсібіне құяды. Мақпалкөнге сапарымызда көпбалалы ананың кәсіпорнына табан тіреп, қазіргі тынысымен таныстық.

Ел жаңалықтары

Еңбек және халықты әлеуметтік қорғау министрлігінің баспасөз хатшысы-ресми өкілі Мадияр Уақбаев балалы аналарға қандай жәрдемақы төленетінін түсіндірді. Сөзінше, ҚР Әлеуметтік кодексіне сәйкес бала туған, асырап алған немесе нәрестеге қорғаншылық рәсімдеген кезде төрт түрлі төлем беріледі. Олар – екі мемлекеттік жәрдемақы және екі әлеуметтік төлем.

Аналарға қандай жәрдемақы төленеді?



Бірінші кезекте бала туғанда біржолғы жәрдемақы төленеді. Оның мөлшері бірінші, екінші және үшінші балаға 38 АЕК (149 416 теңге), төртінші және одан көп балаға 63 АЕК (247 716 теңге). Жұмыс істемейтін аналарға бала 1,5 жасқа толғанға дейін оның күтімі бойынша ай сайын жәрдемақы беріледі. Жәрдемақы балалар санына байланысты сараланады және оның мөлшері 5,76 АЕК-ден (22 648,32 теңге) 8,9 АЕК-ге (34 994,8 теңге) дейін болады.

Бір жылда 304 млрд теңге айыппұл төлеген

Соңғы бес жылда Қазақстанда тіркелген әкімшілік құқық бұзушылықтар саны 2,5 есеге өскен. Былтыр мұндай құқық бұзушылықтар саны 15,1 млн-нан асса, 2019 жылы тек 6,1 млн теңге болған.

Әрбір осындай оқиға үшін құқық бұзушыларға әртүрлі әкімшілік жазалар қолданылды. 2024 жылға 14,7 млн болды. Оның ішінде айыппұлдар 84, ескерту 12, әкімшілік қамауға алу 0,6, шетелдік құқық бұзушыларды елден шығару істері 0,2 пайыз және басқа да жаза түрлері қолданылды.

Ерлан АНУАРҰЛЫ

Кенжетай Қайрақбаев

Жалағасы 2-ші бетте

